

寰宇瑣紀

10711

第十卷

寰宇瑣紀

申報館印

申報館仿聚 珍版式重印

與山左屬官書一

程含章

夫吏治當晦盲否塞之後非掃除其跡而悉去之不可以言治也然而欲變吏治必先自變牧令之心始心者政事之本也牧令之心正而地方無有不治者矣山東土田沃衍人心質直仕宦之福地也乃十數年來匪徒滋熾盜賊繁興百姓紛紛紜紜日以告官爲事京控之案甲於天下此豈盡斯民之過哉毋亦牧令好利之心有以致之也傳曰民之所好好之民之所惡惡之此之謂民之父母未有好仁而下不好義者也乃山東宦場氣習吾甚惑焉富其在省寅僚之燕集賓朋之間談不聞其諮詢治道思作好官惟計較某州某縣孰肥孰瘠日思得一美缺使私圖有於稠人廣衆中談吏治者則曰彼迂且狂車馬欲其堅肥衣服欲其麗都妻妾欲其嬌妍童僕欲其俊美賁緣鑽刺探聽風聲小不如意怨謗上司甚者播散謠言希圖挾制轉相倣習爲風氣牢不可破一旦印符在手民間之休戚安危於已無與也呼籲慘怛之聲不足聽也惟預計今年漕米加收若干折價若干錢糧稅契平餘若干不滿其欲者輒曰民刁民蠻鞭之撻之視同草芥嗚呼此其心尙堪對

君父哉尙堪對鬼神哉無惑乎民以官爲仇而心滋不服也董子曰皇
皇求財利常恐乏儷者庶人之意也皇皇求仁義常恐不能化民者大
夫之事也今居君子之位而爲細人之行其毋乃非

國家設官之義乎堯天子飯以十簋飲以土匱衣履不做盡不更爲
也禹爲天子菲飲食惡衣服卑宮室孔子稱之身爲百里之宰儉以養
廉何患用度不足耶嘗見廉能之吏上司賢之百姓愛之聲名俱泰用
度常覺寬然而貪污之吏賸民之膏吮民之血卒之身敗名滅妻子流
離天道昭昭報應不爽吏亦何樂乎貪而不廉哉吾願諸君子一洗謀
利之心勤求治理民情未靖何以靖之民生未厚何以厚之民性愚頑
何以教之詞訟繁多何以息之盜賊充斥何以緝之夙夜兢兢毋怠毋
驟小民具有天良寧不知感卽缺分瘡苦亦當量入爲出隨進而安上
司兼時並觀自有公道况今

聖主英明澄滄吏治四海之內六合之中有善必聞有惡必見果其政
蹟卓異何患朱紱不來哉若乃陽爲名高陰圖厚實人之視已如見肺
肝是亦卑卑不足道也

與山左屬官書二

程含章

州縣之患莫患乎上下隔絕而情意不通情意不通而不思所以通之
動曰民刁民蠻而嚴刑峻罰以隨之則愈刁愈蠻不可復治矣且亦思
民之刁孰使之刁民之蠻孰使之蠻也哉卽果刁也蠻也亦由不能治
之服之使然况乎其未必刁且蠻也嘗不自反而專以責民夫豈情
理之平山東吏治民風之壞其弊正在於此譬之人胸腹脹滿二使不
通亦旣消之下之矣而脹滿如故再以消下之劑投之則病日愈增求
片刻之安而不得也惟理其氣而順導之然後清者升濁者降錮疾霍
然愈矣治民之道何獨不然且夫牧令者親民之官也官尊民卑其勢
易睽也吾自不與民親民誰親之吾卽欲與民親而民尙疑畏而不敢
親况乎以情相倨傲之心行刻薄貪鄙之事民有不望風而去絕塵而
奔者哉必也潔清自守以服其心明速決獄以恤其力鋤奸伐暴以去
其疾興養立孝以導其幾而又於聽訟之暇征糧之際講讀
上諭之會踏勘相驗之時百姓千百爲羣環觀列侍吾乃進而教之以
孝弟忠信之理睦姻任卹之道悃悃款款出於至誠彼民也見官長之

實心爲我莫不戴之如父母敬之如神明即有小不如意之事皆曉然諒其心之無他而豪暴之徒亦將斂跡而不敢逞民氣於焉大順矣子夏曰君子信而後勞其民未信則以爲厲已故吾願諸君子之勤政親民以通上下之情也

批陳鎮稟後

曾國藩

來稟閱悉該鎮所部業奉

諭旨飭赴歸德軍火器械自應在河南糧台支領至八千人之餉爲數甚鉅斷非二萬所能敷用况二萬金之協餉尙屬不甚可靠古諺有云兵馬未動糧草先行此萬不可易之理若以八千衆全無確實之餉將來因飢生變禍生不測本部堂所部皖南各軍近日因餉支絀鬧事紛紛閉城毆官居民逃逐焦灼之至宜就近與豫撫部院熟商若餉項極絀固宜及早遣撤卽餉項稍寬該鎮濫收敗兵遊勇亦宜遣撤大半或酌留二三千人庶免弗戢自焚之患不可貪部卒衆盛之名忘飢軍殃民之慮也此批

又批

曾國藩

再前閱五月初間連接該鎮之稟一件自嘉祥解圍回至濟甯勇丁與劉軍門部下械鬪一件言陳振邦招勇未到不能迅速拔營本部堂所以未遽批荅者因心中有千言萬語欲與該鎮說明又恐該鎮不好聽逆耳之言是以遲遲未發茲該鎮稟商餉銀軍械等事急欲立功報

國而恐諸事掣肘其志亦可憫可敬特將本部堂平日所聞之言與玉成該鎮之意曲曲熟籌而敬告之本部堂在安慶金陵時但聞人言該鎮劣跡甚多此次經過淮揚清江鳳陽逐一留心察訪大約毀該鎮者十之七譽該鎮者十之三其毀者則謂該鎮忘恩負義黃開榜與該鎮有收養之恩袁帥欲拿該鎮正法黃鎮夫婦極力營救得保一命該鎮不以為德反以為仇又謂該鎮性好私鬪在臨淮與袁帥部將屢開明仗在壽州與李世忠部下開明仗殺死朱杜二提督旋在正陽關捆縛李顯安搶鹽數萬包在沁水時因與米船口角特至湖西調隊二千與米船開明仗知縣叩頭苦求始肯罷兵又謂該鎮騷擾百姓凌虐州縣往往苛派州縣代辦軍裝號衣等件在泗州毆辱知縣藩司張光第同在一處躲床下旋即告病在高郵勒索水脚所部鬪鬧至內署搶掠合署眷屬跳牆逃避知縣叩頭請罪事始息又謂該鎮吸食鴉片喜怒無常左右拂意動輒處死並因有為一麻油餅殺廚子之事藐視各路將帥信口譏評每一不聽調度動稱衆將造反郭寶昌之告變事非無因本年四月曹南之敗與郭寶昌同一不救主帥同罪異罰衆皆不平

凡此皆言該鎮之劣跡者也其譽者則謂該鎮技勇絕倫清江白蓮池蒙城之役皆能以少勝多臨陣決謀多中機宜又謂該鎮至性過人聞人談古來忠臣孝子傾聽不倦常喜親近名儒講誦孟子又謂該鎮素不好色亦不甚貪財常有出世修行棄官爲僧之志凡此皆言該鎮之長者也譽該鎮者如漕督吳帥河南蘇藩司寶應王編修凱泰山陽丁封君宴靈壁張編修錫嶽皆不妄言之君子毀該鎮者其人尤多亦皆不妄言之君子今不復舉其名譽該鎮者願該鎮知其名而不忘也毀該鎮者願該鎮不知其名而忘之也本部堂細察群言憐該鎮本有可爲名將之質而爲習俗所壞若再不加猛省將來才敗名裂而不自覺今爲該鎮痛下針砭告戒三事一曰不擾民二曰不私鬪三曰不梗令凡設官所以養民用兵所以衛民官吏不愛民是民害也兵將不愛民是民賊也近日州縣與帶兵官不睦雖州縣未必皆賢然帶兵者先欲愛民不得不兼愛州縣若苛派州縣供應柴草夫馬則州縣難派各鄉各村而百姓受害矣百姓被兵勇欺壓訴于州縣州縣轉訴於軍營若帶兵者輕視州縣而不爲民伸冤則百姓又受害矣本部堂統兵十年

深知愛民之道必先顧惜州縣就一家比之

皇上譬如父母帶兵大員譬如管事之子百姓譬如幼孩州縣譬如乳抱幼孩之僕媪若日日鞭撻僕媪何以保幼孩何以慰父母乎聞該鎮亦無仇視斯民之心但素好奇派州縣州縣轉而派民又好凌虐弁兵弁兵轉而虐民焉得不怨聲載道自今以後當痛戒之昔楊素百戰百勝官至宰相朱溫百戰百勝位至天子然二人皆慘殺軍士殘害百姓千古罵之如猪如犬關帝岳王爭城奪地之功甚少然二人忠主愛民千古敬之如天如神願該鎮以此爲法以彼爲戒念念不忘百姓必有鬼神佑助此不擾民之說也至於私相爭鬥乃匹夫之小忿豈有大將而屑爲之本部堂二年以前即聞該鎮有性好私鬥之事此名一出人人皆懷疑而預防之閏五月之事銘字營先破長溝已居圩內該鎮之隊後入圩內因搶奪洋鎗口角爭鬧銘營殺傷該鎮部卒甚多劉軍門喝之而不能止固由倉卒氣忿所致亦由該鎮平日好鬥之名有以報之耳聞該鎮好讀孟子養氣之章須知孟子之養氣行有不慊則餒曾子之大勇自反不縮則惴縮者直也謙者足也惴則不壯餒則不强蓋

理直而後氣壯必理足而後自强長溝起畔之時其初則該鎮理曲其後則銘營太甚該鎮若再圖私鬥以洩此忿則禍在一身而患在大局若圖立大功大名以雪此耻則弱在一時而強在千秋昔韓信受胯下之辱厥後功成身貴召辱已者而官之是豪傑之異動也郭汾陽之祖墳被人發掘引咎自責而不追究是名臣之度量也該鎮受軟禁之辱遠不如胯下及掘墳之甚宜效郭韓二公之所爲坦然置之不特不報復銘營並且約束部下以後永遠不與他營爭鬥能忍小忿乃成大功此戒私鬥之說也

國家定制以兵權付之封疆將帥而提鎮概歸其節制相沿二百餘年矣封疆將帥雖未必皆賢然文武咸敬而尊之所以尊朝命也該鎮好攻人短譏評各路將帥亦有傷於大體當此寇亂未平全仗該鎮統兵大員心存敬畏上則畏君下則畏民中則畏尊長畏清議庶幾世亂而綱紀不亂今該鎮虐使其下氣凌其上似此心豪無畏憚者然殆非載福之道凡貧家之子自恃其竭力養親而不知敬畏則孔子比之如犬馬亂世之臣自恃其打仗而不知敬畏則陷於大戾

而不知嗣後該鎮奏調務須恪恭聽命凡添募勇丁支應糧餉均須稟命而行不可擅自專主漸漸養成名將之器量挽回舊日之惡名此不梗令之說也以上三者該鎮如能細心領會則俟軍務稍鬆前來稟見本部堂于覲面時更當諄切言之務令有益於該鎮有益於時事玉成一名將亦本部堂之一功也若該鎮不能細心領會亦有數事當勒令遵從者第一條八千勇數必須大為裁減極多不准過二千人免致雜收游勇飢潰生變第二條該軍與淮勇及英康等軍一年之內不准同札一處第三條該鎮官銜宜去

欽差字樣各省協餉歸河南糧臺不准別立門戶獨樹一幟仰該鎮逐細稟復以憑詳晰具奏於所述毀譽之言孰真孰偽亦仰該鎮逐條稟復其毀言之偽者儘可剖辨真者亦可承認大丈夫光明磊落何所容其遮掩其譽言之真者守之而加勉偽者辭之而不居任天生謀勇兼優之本質改後來傲虐自是之惡習於該鎮有厚望焉此批

稟覆曾爵相書

陳國瑞

謹稟 侯中堂爵前敬稟者竊總兵六月十三日在睢州途次敬奉六月初六日鈞批仰蒙推誠垂訓剴切慈祥言言肺腑百回莊誦如領晨鐘而蒙 侯中堂成全之至期望之殷尤令人感激涕零矢諸生世設使總兵得以早隸 仁帡久承陶鑄則今日毀辱之加或可稍弭然衆口鑠金積毀銷骨中懷惴惴寤寐難安豈好辯哉不得已也敢爲 侯中堂敬陳之 憲批所謂反仇黃鎮者總兵自咸豐九年子身投營幾有不能自存之勢蒙黃鎮垂憐教育竟克成人恩媿罔極此心匪石矢報終身至于宗姓之歸寧出 邸帥之恩以全大義非總兵所敢希冀也然相視猶父之心迄今未敢或逾一息區區誠悃可質鬼神又謂姓好私鬥總兵在 袁帥部下時以數百之衆賈勇爭功僚屬壓倒而又不能自平意氣克臻不伐之賢羣忌相攻瑕疵予短未能小忍偶有爭端引咎自繩每多後悔嗣在清淮魯豫數年之間絕無一有即昨銘營之事始忿終忍未始非年來閱歷之所補助者也至于壽州與李世忠一則乃康錦文爲之引倡總兵實無與焉幸蒙 邸帥燭照無遺詳

晰疏復仰乞 察之李顯安鹽包之事伊原自來投營總兵優容以待
尙欲量使因材不謂郭寶昌見利忘義僞言四倍使其棄挾而逃轉爲
已有匹夫懷璧非固自饒負得險財尙豈不苟總兵訪知之後卽照時
估定交商變值咨明院撫有案可稽亦毋庸多爲竊辯也汜水米船不
勝查問不得不着言誑隊使其乘復疾馳若謂總兵官不爲叩求恐當日
非此情勢至所謂駭擾百姓凌虐州縣尙派軍裝號衣等件總兵稍具
天良亦不至妄誕至此惟部曲中間有不法者一經覺察無不立予處
死非喜怒無常之嗜殺實苦心整飭之可原其需索州縣之供應多係
牧子庖丁殺軀而已職是之由甯失不經久聆古訓豈敢以一餅之微
而視人命如草菅哉又何以於衆心而若徂哉軍裝號衣在裏下河官
捐辦一次實屬餉絀無可奈何之舉亦輿情咸感戰刃自樂輸將者也
以公濟公私心可叩泗州毆辱知縣原因郭寶昌受辱門軍於公堂咆
哮則有之毆辱則未敢也蓋該州自擁練丁千人又有駐兵二千人豈
總兵率數十人前往探辦竟能橫行無忌耶不待智者解之也高郵勒
索水脚更屬影響之談所謂藐視各路將帥信口譏評每每梗令不聽

調度竊思總兵前隸 袁帥部下所部僅五百人節制層層令何由梗
嗣隨 吳帥轉戰數年無役不從無敵不克豈梗令所能致哉卽去年
聽令 邸帥用舍不時猶復唯唯受令人所共知第剛直性成罔知忌
諱痛思時局思慮每有所得不禁侈口而談或不免也言之不慎惶悚
在躬若夫動稱造反郭寶昌告變事非無因尤令人椎心痛哭者也總
兵一介武夫疆場拚命仰荷

皇恩擬官極品涓埃未報維日孜孜又何取諺悻悻心一愚至極縱
不爲千古名臣之計而富貴之榮亦足以一時誇耀豈不知順逆兩途
所關匪細莫須有三字終成讞獄能無懼乎惟蒙 侯中堂洞鑒微忱
白諸當世俾總兵得以謝天下萬世之議則粉身碎骨效命不辭稽首
陳詞淚隨筆下本年四月曹西之敗郭寶昌統右翼爲 邸帥中軍護
衛總兵統左翼帶同紅白旗馬隊爲先行厥後 邸帥星沉總兵已爲
賊十餘里阻隔音信兼之太隊及紅白旗陷入賊陣多半傷亡實屬不
及他顧獨郭寶昌統帶五千人親護 邸帥而當此大變竟未備一將
一兵孰是孰非必有能辨之者今讀毀者之說姑無論其與郭寶昌是

否同罪而總兵身受 邸帥之恩屢蒙超拔不能患難相殉有靦面目何以自存故於 國帥之前稟乞代陳請罪

皇恩廣厚寬典倖邀五夜自忖慚愧無地不平之論固所難辭其譽言之由亦不過大君子苦心誘掖欲令成材而非總兵所敢竊居者也所有上蒙諭令即遵從者皆切中事機尤為欽佩總兵欲集八千之眾亦不過報

國心殷誓師滅賊勇於任事綜覈未能茲何 指授周詳自當量此餉源酌為裁汰斷不敢令其充數濫收有虞饑變其與淮勇英康等軍不准同紮一處則權操自上非所逆知倘使實過處此之時總兵亦當堅忍相容不敢有貽蕪慮

欽差字樣乃

朝廷舊典何敢自專今蒙指示相加無不恪遵辦理其各省協餉均歸江南糧臺轉發當應與豫撫商定另行具覆總兵才本不羈謗書盈匣

聖天子無疆之澤曲為成全且 侯中堂警覺提撕有加無已感懷知

遇猛省頓加祇有持志養氣調度集思伸軍令之森嚴蕩毒流之滋蔓

上酬

君父下慰窮黎以盡孤詣之忱要不敢有計於毀譽也區區愚悃伏乞鑒諸再總兵吸食鴉片緣於援楚之役中暑成痢藉以為醫致蹈惡習今雖痛戒有心特恐勞軀強此百病相侵載乞 侯中堂格外鴻慈給假數月庶幾調養有資先期懸斷方長後日答報容圖合肅縷稟敬請福安伏祈崇鑒

楊醉六先生傳

梅寶璐

君諱慎恭醉六其別號也行三吾津詩書舊裔為乾隆戊午孝廉任隆平學博玉堂公諱輝祖之孫品端學粹雖貧無立錫而嘯歌之聲若出金石簞瓢陋巷裕如也博稽羣書能窺古今涯奧生平一介不苟行必踐言以舌耕為業年逾不惑中咸豐乙卯科副車遇可知也所著詩古文詞自杼機軸不落恒蹊貌清臞而議論風生境屢空而氣不餒有憐其困乏而周之者固辭不受風節在夷患間士林中務時尙者鮮知之亦不樂人知也著有故吾吟草詩文集雜作亦甚夥竟以潦倒終咸豐

寰宇瑣紀

稟覆曾爵相書

八

楊醉六先生傳

十一年十月二十九日卒年六十三歲

贊曰君余兩代知交時以詩章相倡和先君子欲起竹園樓詩文全稿曾經編訂余亦幸承青目受益良多乃久客還鄉君已悲宿草矣緬懷舊雨無任凄然塵海茫茫安得呼君重溪攻錯耶香草美人幽于空谷我心蘊結不可方思

添建棲流所序

顧 瀾 翰 香

棲流所之設所以擴充同善之量而曲成夫不得伸之仁者也窮民無告恤其飢寒則誼莫先於桑梓窮途無告拯其疾苦則憂且及於萍蓬夫人不幸而受飢驅奔走衣食水土瘴癘寒暑風霜紛觸交侵猝焉病發殊方異域舉目無親其有儔侶者尙資調護而孤孑者危矣壯盛者尙望支持而老弱者殆矣斯其道塗匍匐宛轉呻吟凡有人心莫不慘怛然皆相顧扼腕卒不一援手者何與人卽兇頑未有拯溺而仍袖手人卽褊悒斷無贖死而守慳囊是故調衛之勞可力任也醫藥之資可營辦也而乃筦簞無安風雨無蔽可若何卽有慕義之士載以後車庇之宇下而妻子聞而惶駭鄉隣顧而寒心非以爲不祥卽以爲召禍一旦事有不測將官司譴責胥吏譙訶甚至鞭朴受之繚絏陷之旁觀之人譁然共指以爲戒爲善之累一至於此有不冷然冰消掉頭舍去者乎今幸各大吏仰體

皇仁俯悉民隱凡州縣城鄉之捐建同善等堂者允令置棲流所收養病民醫療之食飲之衽席之弗使失所賴以全活者指不勝屈焉聞有

溘逝亦卽棺殮之久則瘞埋之弗使暴骨窮鄉又復誌其日月表其里居著其姓氏標幟之俾他日歸正首邱然後嘆向者一念之仁抑而不得伸者至此而始暢然行之坦然無復有所疑畏非上之人曲成之以擴其善量烏有是哉是役也奔走勸募拮据經營朱君北垞之力居多焉又以偏隅荒僻物力艱難捐已貲以爲之倡乃規模粗具而君歸道山哲嗣圭岩踵而行之小加補綴故遲之又久始獲告成事焉噫善端所觸其量安窮引而伸之又在同志者之相與黽勉也夫

歷朝奏議精粹引 附凡例

王 庚芝 相

夫讀文而兼足以探千秋治亂之源先賢經濟之學莫如專讀奏疏若見明人張溥所刊歷朝名臣奏議其于章奏同奏對口語採錄甚富誠足與全史相表裏然卷帙繁多購讀匪易于是欲爲自便揣摩計專取自漢迄明之章奏尤足以明治亂顯經濟者廣求博覓加以考按每當舟車旅邸雪夜炎晨無不隨地隨時手句較錄閱七八寒暑始得若干首次其簡編彙成是集計十六卷總列其目于首凡禮樂治化兵刑錢穀上之天象下之疆域以及國運之興衰主德之升降朝政之得失人才之消長暨夫文章風氣之轉移亦粗具大概也矣易云剛健中正純粹精也今觀諸賢進昌言陳治道格君心斥奸佞上不避雷霆之威嚴下不顧權豪之怨毒發諸文章渾渾焉浩浩焉可以動天地可以泣鬼神可以正世道而感發人心非易之所謂剛健中正者歟故竊名之曰歷朝奏議精粹云

一人臣進言有奏有疏有表有上書有劄子對策有彈事有露布爲類不一然三代以前實謂之奏尙書所謂敷奏以言是也茲故統而名

之曰奏議

一諸家評語擇其尤足以發明事理羽翼全文者各錄一二於篇末以資揣摩不敢多錄者恐意見多反致炫目

一方輿地名有今古之不同今以綱目所註參以近時方輿諸書各註于下疑者闕之一地名而後篇疊見者逐篇並註間有詳畧不同其有實在顯而易見者則不重註

一讀其文而不知其人之爵里事實不足以副仰慕不知其事之顛末是非不足以資考古茲故列小傳于文首加按語于篇末也

一戰國游說主屬封王文非奏體與歷代開國時輔佐諸臣之陳奏若稱公稱足下之類者皆不錄入以崇體制又專錄正統之文不及僭統之國遵朱子綱目以蜀漢爲正統故不錄魏奏至文雖佳或人係誤國之奸或事非經國之略亦不敢入選此取舍之大衡也

一四六表雖乏經濟之作然如謝表乞恩表體裁應爾今擇其詞意正大亦足以表見經濟者錄一二以備格惟厥體卑各附于其人之本文下不以時爲先後也

余肅齋先生傳

梅寶璐

夫子諱作恭字肅齋稟貢生嘉慶癸酉科孝廉原任廣東從化縣知縣階升明府諱堂公長嗣性孝友一生恂謹守身如執玉攻詩書重品節文章條序疊列優等見賞于各宗師屢膺薦不售工鐵篆尤精琴理詩畫其餘事也少隨父任父撫字有政聲士民愛戴頗得贊襄力先君子所輯津門詩鈔十八卷爲表揚一郡風化起見不下數十萬字連父命全友志携赴粵東不憚腕力手繕全稿二遍校對精詳不惜重資刊傳行世並不列名其襟抱爲何如歟嶺表廿餘年涉歷萬餘里山川名勝飽飲在胸於道光二十五年隨父解組還鄉琴囊書卷外清風兩袖而鄉里戚族之困之者不容推施中年耽風鑑宗鉛彈子參以大

小完空天星度數在粵東經名人秘授而得其真奧道光丙午秋爲先君營葬事璐亦幸獲師資咸豐初年李大司空督學全汴延入幕衡文得士甚衆歸里後仍以硯田爲業成就後進多人幼弟作忠子明孫春鵬均能文先後入泮詩書之澤累代綿延食報正未艾也同治十三年正月卒年七十六歲著有省過齋詩文集地理元顯待刊

烈婦梅涵貞女史小傳

贊曰夫子余發蒙師也。太夫子階升公與。先君為總角交夫子曾遊。先君門深交三代頻年天各一方同治十三年三月久客還鄉而夫子已於正月歸道山矣。魁首師門吾將安仰語云金相玉質純粹以精常變不渝淡泊明志微。夫子其誰與歸。

烈婦梅涵貞女史小傳

余作恭

女史姓梅名贊元律門世族嘉慶庚申恩科孝廉永平訓導梅公成棟之女幼聰慧知詩書深明大義工鍼指年十七適同邑處士李夢齡事翁姑親族溫恭淑慎稱賢孝翁姑沒家道零替賴十指為生活者三十年夫性惟虐遇之如苦舍辛隱忍有年矣夫每因失業屢以毒毒嚇親族女史婉勸多方恒遭辱詈自念夫為婦綱不可挽莫以身諫同治七年四月十三夜值夫又袖毒欲出嚇女史倉卒無計尋得夫所購之毒服而自盡卒年四十八歲嗚呼烈矣夫女史遇人不淑委心任天艱苦倍嘗從無尤怨乃見危授命無忝綱常其烈有非尋常所能及者故傳之以俟君子采焉。

致沈建庭書

金石

建翁足下得來書知行人安穩稅駕清江甚慰游子多悲懷蔚蔚結胸臆誰流浩蕩觸緒紛來洗馬渡江今昔同感故山風物久處悶人太行孟門夷路而有杖策周越慨乎一邱所謂我瞻四方蹙蹙靡聘此步兵所以泫然不知涕之無從鶴鷄覓林欲不在大造物雖狡胡忍尾焉且仲元謨之眉莫墜隲豈之氣至於縹緲研砥故自難言或童而習之白首茫昧或中年憤發績用有成各取半志之精浮匪係乎時之朝暮誠能奮激義轡何權弟間關棄日無俚益增惟日與漢書中古人相對藉以排遣而已李延壽南北史不知局板有否其價若何足下諒悉即乞告我貞勝兩字在易經繫辭下傳第一章歲序若委忽焉素秋攝衛自匿無悶芳訊

又

金石

簡翁頃奉來告讀竟大咤嘆昔柏矩請於老聃欲之天下游老聃曰已矣猶是也當嚴周時臬離乖薄尚不如今日甚而添園慨乎言之况愈趨愈澆冥使添園生今日正不知若何憤懣歛歛乎悲哉莫謂九州廣

舉趾皆疾藜慘慘世界何處覓廣莫國耶石翁所以一慟回車不復起
南征之想也狎李龍如漚鳥搗傲之風不可復見處酬酢場只教竹葉
低頭不許梅花仰面而褲中叢蟲正未能盡厭脂膏樂府歌可憐蟲可
爲男兒一哭戚戚忻忻都無是處但能放眼何物櫻心幾日驟寒風欲
破面未殘離菊霰雪流庭黃精燦燦風絮飄飄把合黃伯賞天公玉戲
得未曾有兄處得具此味否比來作何消遣崑腔盛於大江南北見梁
魏流風至今不墜兄得聆清唱頗有會心也無柳屯田云肯把浮名換
子淺斟低唱正不必倚十五女郎撫紅牙拍板哦曉風殘月但能於酒
酣耳熱之餘唱千古江山以唾壺擊節片片盡碎便消去壘碗一半也
弟不得傳頭終爲門外兄當留意庶不負此行手卷冊頁有人看過否
書法想應日進努力不懈當突過前人蛻筆頭數石昔賢未曾言勞有
味哉北風凜烈咄咄逼人客懷珍重伏維曼福

聘李小湖大理聯秀主講鍾山書院書

曾國藩

小湖尊兄大人閣下京華盍簪曾覲光儀近歲展轉兵間無緣瞻對伏
審乘輶閱嶠移節矣門爲

國儲材矩司空之家法明刑弼教踐大理之世官方資禮樂之風以靖
干戈之氣而乃文旼誓墓錄就歸田迴宦海之征帆主師山之講席仙
雲彌好卿月自高述聽之餘傾企曷已國藩夙秉疎庸謬膺艱鉅際中
興之景運值元惡之旨盈倖收建業之城稍雪敷天之憤思欲盪滌邪
穢潤色山川爰開甲子之科冀采東南之美牛斗之英光依舊籠雲之
際會方新既占二八之升於斯爲盛更思九兩之繫以道得民登彼鍾
山問誰鼓篋周彥倫之隱廬何在雷次宗之精室焉存眷焉顧之可勝
喟歎將投戈而論道擬置筵而習儀曷講堂重開學舍議擇大宗師
而從事乃集都人士而共謀僉以爲閣下天人通貫望實並隆正直剛
柔之德三文行忠信之教四早已施於有政可以爲師不揣愚蒙敢以
禮請聆羣倫之陳說識衆志之歸依請述一二略塵清聽或謂地以人
傳文與年進昔使星之戾止猶妖彗之方張金陵方陷於黃巾玉節莫

游於白下鍾阜之烟雲冥色蔣山之香火無緣今則虎據龍蟠江山如故鸞翔鳳振旗鼓一新培此邦之英華補當年之缺憾咨詢碑碣憑弔滄桑扶杖而吟皆成詩料攜朋而出亦有勝游躡惜抱之前塵定卜伏生壽永沿隨園之舊例何嫌崔慎兒遲茲一說也或謂古學凌夷今文曼衍江南之顧惠秦錢孫洪張段江北之閻賈王左劉阮焦汪並皆吳會儲宗

歷朝者頌似風流之漸沫懼墜緒之將淪閣下則齊古得祿接人用世枕周薛孔包羸越劉崔德之卷五千支公之籤三百未足喻其宏通自合資之提唱集中經解策問諸目小游學海即是津梁茲一說也或又謂士鼓不能嗤九成椎輪不能禁五輅徇俗之藝羔雁藉以先資大慚之文螭蟬豈能速化或非丹而是素遂愛古而薄今枝縱屠龍骨難市駿閣下則以鄭許之學淵雲之才濂洛之傳正嘉之格合之於一手沛之於寸衷洗汰庸音追軌前哲談聖必衷於古教人必盡其才下至試帖小詩律賦末節亦復力排挑巧崇尚清真餘技足了乎十人端儀合光於四國茲又一說也或謂儒生貴在識時經術原以致用倘使千言

落紙詞盡筌蹄遂致一策章籌儒爲話病閣下則親編

堯典總答藩書慕天日之昭垂紀海沙之漸被中更潢池之警屢陳軌里之條天人治安遠希夫賈董經義治事定繼夫蘇湖此間百度維新五咨並用廣設中衢之酌樂聞鄉校之言咨政乃魏之客卿議兵即齊之祭酒通名鄭里應仲遠之譽望彌隆折節陸生周孝侯之風裁並峻茲亦一說也總是羣言敬祈一諾輒令儻從祇迓高軒無金玉爾音願賡繫維之雅如松柏之茂共培梁棟之材區區寸衷伏惟垂鑒專肅奉布敬請台安

覆會相國書

李聯秀

蓋聞嶽神鍾地甫侯翰周昂精炳天蕭相興漢自昔當時艱之會必有不世出之臣恭惟 宮太保侯中堂鄭國名宗衡山間氣控中樞而立八柱尊上相而封三珪皋宰衆聽簫勺群慙萌庶慰更生之望國家倚再造之勳七政駢華瑞令莫先克皖六月獲醜專征由是平吳龍躔肇轉夫上元覬宴特開夫大比高岡翮羽正和聲鳴盛之初巨壑游鱗皆聖主得臣之效典言蹈咏罔罄敷宣晚浦柳早衰粉榆遲返頻歲憂勤

寰宇瑣紀

聘主講鍾山書院書

十四

於燕幕一朝止怖於鷓鴣喜城頭子路之無蹤實江左夷吾之攸賴回
憶以陪東觀敬企南豐撫歲琯之如馳想戎旃之靡暇未敢率塵尺素
輕溷鈴嚴乃絳雲在霄而甘澍滋野隆頌函幣殷問室衡坐薦謙衷謬
採虛譽昨者命呈私集深愧小言漫持鼓於雷門冀指車於霧野遽加
盛獎愈危本懷伏念晚自棄明時久成墮志半生劔董末路董穰累安
邑之豬肝僅可偏隅託足望關中之鱸席難於都會抗顏猥荷垂屬界
以鍾山主講於晚有三幸焉有三慚焉何言其幸昔齊宣開邸荀卿最
爲老師楚戊置筵申公尙充博士是人師之表永譽千秋非地主之賢
雄邁一世惟公扶輪大雅冶鑄羣英詣習者勝讀十年識韓者抵封萬
戶而且覩馬周於嘉客認班固於府僚瑰偉滿前孤陋無歎一也夫雷
次宗爲豫章先賢王介甫又臨川傑出並生江右爰住金陵西巖留招
隱之基定林是讀書之處而晚乃渡艱麾扇迹阻爭噉采風幾遍於三
吳攬勝獨遺夫首郡或者龍華會上餘白足因緣虎踞石頭待青蓮題
句如公所謂補我未經一也至於中郎避地渺逆旅之因依廷尉榜門
慨交情於貴賤荷朗之鄉關不見傳燮之身世堪悲滄海爲家雖臬比

忝占洞霄領局奈祠祿懸微何意拓此修羊養斯飢鳳使聲價從今增
倍覺著述異旨窮愁三也乃言其慚一則近鈞範而悚焉杜祁公之辟
孫甫重其對必引經廉宣撫之薦許衡謂其學能造士若晚文惟塗抹
道乏淵源是曠者而攀岱華之高對健步則成蹙昧者而矚能章之貴
遇明眸則頓盲矢一則震士氣而餒焉縊處之鍾阜蟠龍舊是人材藪
圍措大則江東似鯽今富文字萌芽若晚濫厠油輪安厝茅蕝是荆玉
徒然在抱無良工不得開瑩幽蘭正爾含馨非和籟奚由扇發矣三則
踵前型而作焉袁 簡齋 詩雄而姚 姬傳 文雄遞掌煙雲壇坫
盧 抱經 經學而唐 鏡海 理學迭標漢宋津梁若晚器無足稱
處非其據是貂裘而狗尾續將騰訕於冠蓋之衝瑟終而瓦缶鳴或泚
顏於敦樂之會矣凡此慚與幸并書難言罄旣承敦引敢不祇遵粗用
瀆聞竊深馳慕抑有啓者通泰一帶時值潞河路多關壩舟煩屢換裝
不使齎計彼工竣當踰月望晚少延時日檢束書囊准於月內起程無
重勞使者之速望富公之師幕韓持國永誨無窮徵鄭朗於岑岳柳公
綽知人及遠鏡湖一曲允宜賀監來游鹿洞九經誰繼紫陽作講肅復

鳴謝度請鈞安伏惟崇鑒

瑤生女史四時閨興倡和詩序

飯題山樵

松陵結社難追皮陸之高風蘭渚聯吟誰繼支王之雅興而况鶯閨弱質鸞闥嬌姿無酬酢之文乏交遊之樂亦安得一倡百和前隅後于成織錦之奇觀續聯珠而刻集也哉瑤生女史辭工詠絮格妙簪花東海波濤振其逸響西冷風月寫我幽思楊容華夙擅詩歌孫道緬尤工詞曲或花底送春雙柑斗酒或竹間避暑沈李浮瓜或掃石留題望遠啓三三之逕或圍爐覓句消寒繪九九之圖尤幸一篇跳出千里爭傳詞章投報速於置郵聲氣應求遍乎薄海共得倡和詩若干首笙磬同音鸞鳳互奏洵閨房之韻事藝苑之美談也僕競病未諳推敲徒切山城倡和浪得虛名閨閣賡酬漸無實學而瑤生則雞林價重鴛杼吟多劇憐好語穿珠猶復虛懷若谷新詩示我調語酬君爲繡閣師愧非承吉作瓊閨序願效廉夫靈秀獨鍾於巾幗斯人壽金屋奇才寒暑悉載諸篇章好句繼玉臺新詠

金石書畫之丐賦并序

宣鼎

壯不如人學劍何益饑來驅我托鉢奚辭硯田屢荒錐地鮮立貧故人

雞黍冥報爲期憶故里鱸菹賞音久斷筆究非稼字不可炊又何必垢
面蓬頭始謂丐耶然而豪家忍耻到處播間昏夜乞憐何人門下顏既
忸怩足復趨趨雖登大人之堂不亞卑田之院蓋同一轍也又何諱焉
鼎也幼多孱疾少歷奇窮郭有膏腴而口無半粟苟有文繡而身無尺
布家有廣廈而居無一椽裊獵成羣既飽猶攫鸚鵡久縛雖逸不飛異
孤孽而見放求死生而兩難聽僧寺鐘鳴饑腸雷轉聆親舍雲影淚眼
泉傾猶復秘笈勤搜異書乞借臥碑側而忘倦守墨妙而如珍北門寫
憂東郭遁跡亦已彈鋏吹簫嗟來就食餐風咽露歸去無家矣胡乃黃
鵠聲淒紅羊劫遇楚炬誰撲蜀道自經卵墮巢傾腹餒担重荒山尋母
湖濱賃居掃落葉以添薪拾遺穗以當粟四郊多壘目極虎狼兩地奔
波頭多蠛蝨全家幾沒嘆賊子之窮搜一息尙存感漁人之撈救迨至
磨盾鶴軍揮毫虎帳蓮幕宵紅柳營春綠勁旅之衆濫廁書生上將之
前竟容揖客方期溫嶠風流名成業就豈料桓侯殞謝石破天驚忠曜
橫飛將星已墮依舊飄零書劍拋擲琴尊王謝不逢范韓安在途窮徑
窄骨折神驚擁雪夜之孤檠病眸如灼擲霜天之寸管凍指欲僵未免

有情誰能遣此况又波臣肆虐水伯欺人禪關無十笏之寬竈突有三
篙之淺長歌當哭公然唱出蓮花盡室偕行慘矣飄同柳絮較之逡巡
墟郭呼號里門者殆有甚與庚申春日先師馬石樵先生辭長千里遇
昭易市手寫金石書畫之丐圖以贈鼎噫松柏堅貞遇雪霜而無恙蒲
柳脆弱驚風露而易摧故里非遙狐狸嘯月客舟已怯豚魚拜風痛哭
殞宮捧土指禿徘徊故址履石心酸青燐在枝既照我以夜渡白骨遍
野轉迷我以歸途似此摧魂能無慘目乎今石樵先生已歸道山舊雨
希逢客星僅賸迢迢路遠茆茆影單蠹蝨餘已付斜陽流水蟬痲螿
點無非夢幻浮雲丙寅上巳偶從篋中檢出泫然流涕棖觸予懷曠之
在前畫中人未知誰是呼之欲出門外漢其卽余乎時則茶灶成水蘭
缸墮蕊門有索逋之客室有交謫之人憤火填胸更籌在耳能無擲筆
大叫猖狂比阮籍窮途擁被酣眠夢寐尋唐衢痛哭也哉率成短賦自
慰吟魂賦曰

吾哀王孫踽踽獨行兮躑躅荒村羌酣眠兮市側復徙倚兮離根露濕
鴉頭之襪塵埋憤鼻之禪懷瑾不遇抱璞寡言笑他袖裏連城璧不及

田家老瓦盆，丐爾來前。吾與爾語，爾抱此瑰異之才。兮奚不遨遊乎庠序，否則隱于磬澗兮。奚爲與乞兒爲伍，擅雕蟲之小技兮。曷不附驥而霞舉，工繡虎之雄才兮。那堪屈蟻而伏處，且酌我酒兮。爾無我拒，爾欲學子胥之乞食兮。恐雪飄乎銀鬢，爾欲學淮陰之乞食兮。恐波冷兮。愁滋爾欲學淵明之乞食矣。恐見笑于鄉里，小兒爾欲學熙載之乞食兮。恐見咤于別院，詞姬天生爾才。必有用兮。奚弗韜晦以待時，若夫慧丐之依則老嫗吹簫如訴也。情丐之痴則榮陽狹斜已誤也。鐵丐之勇則延陵雪中微步也。孝丐之真則武進流傳如故也。爾以金石書畫爲營生兮，何逕入迷途而不悟。縱乞米之帖，仿顏公兮。恐徒博主人之嗔。怒丐曰：否否。吾末如何。豹隱霧而文益彰兮。奚必辭乎巖阿。鷹得霜而神益悚兮。奚必擇乎高柯。火雖猛不能舉，而加諸天鳥。雖愚不能驅，而投諸羅吾適吾性之所適兮。何避乎市人。噉蹴與亭長之醉，呵爰洗蓋以更酌。復村掌而高歌，歌曰：踏踏復踏踏，行行重行行。嗜古卽性命，相逢無姓名。漫參蔡女胡笳語，江上青山太瘦生。

尊聞閣同人詩選

縷馨僊史手編

紀聞十二首咸豐癸丑作

杞夏生

龍蟠虎踞石頭城，天塹東南莫與京。兒輩驅除淝水敵，羣生掃蕩海陵兵。偏安尚說長江險，獨力能將半壁撐。不信昇平全盛日，諸君無計殞機槍。○慷慨親提水陸軍，督師指日靖妖氛。陸制軍於二年十一月保守九江，共知殷浩蒼生望，不奏周瑜赤壁勳。鼠竄狼奔拋隊伏，三年正月卽退回金陵省垣。蜂屯蟻聚徧江濱，賊遂陷安徽蕪湖。從帥如入無人境，密密南邦布陣雲。○烈火薰天轟若雷，城門頃刻幾重開。賊於二月十一日偷挖地道用火炮轟破鳳儀門而進，圖書萬卷填溝壑。尊經閣書籍盡投於秦淮河，廟宇千秋付劫灰。焚燬報恩等寺，官舍已成蛇豕窟。故宮莫辨鳳凰臺，獨飲罵賊常山令冠帶堂堂實壯哉。上元邑尊劉公公服坐堂罵不屈，賊不敢害遂奪刀自刎合門殉難。○晝號夜哭悵流離，百萬生靈慘草支。市肆一空資虎口，城內店肆悉被搶劫。鬻官幾隊住城眉，婦女並拘於夫子廟。附從兄弟分新舊，新擄難民賊稱爲新兄弟。妝飾紅黃

辨等差 賊頭目以黃綢裹頭其餘盡用紅綢新撈者給以紅黃布
如此大都肆猖獗飲頭燃腹問何時○曾未經旬禍蔓延援兵四顧未
能前豺牙徧肆金陵毒螳臂渾忘鐵甕堅 二月廿二日鎮江失守
密密帆檣蔽京口高高旗幟插城顛 城上遍插旗幟 江山第一稱
名勝焦土無端劇可憐 賊焚燒金山寺○海帆千里疾於飛戰艦分
來聽指揮 上海道憲吳公募得艇船數隻甚爲使用 奉使巫臣方
竭蹶爭船陶侃得棲依 楊制軍退回京口又退江陰或坐艇船中往
來焦山門下莫可踪跡 兎無別計惟謀窟狐欲先行亦假威幸有探
章工飾說當衝扼要亦兵機○維揚亦自號雄藩鼙鼓連天日夜喧半
月共將三郡陷瀛城早之一官存 揚州官員自鹽運使以下俱於未
失守時逃遁不知下落誠可浩歎 前瞻後顧金戈刺北竄南奔羽檄
繁聞說 廟堂曾命將爾時想像出都門 上命琦善陳金優前勝保
等統領盛京吉林黑龍江等處兵馳赴金陵與向榮會剿遲遲不至幾
一月○天兵雷動起江濱上將通侯更絕倫魏絳和戎曾有識 道光
壬寅歲洋人犯順琦侯力主通商之議 伏波料敵定如神况將此日

治安策悉訪當年折檻臣 壬子歲勝京卿以內閣學士上書言時事
廢職畫聖主愛民能曲體試看畫像燦麒麟○羞爲人下笑廉頗一代
功臣並不磨老將會經學閩寄 壬子歲湖北武昌失守 欽差大臣
保落職 上命向榮爲大臣 連師要貴衆心和 向榮兵皆芒鞋赤
足頭裹藍布在安徽與琦善兵相遇琦侯以爲匪徒幾成嫌隙 因知
廟略籌防遠久攬兵權節制多况乃歌謠徧吳會獨當一面望如何
吳人有向虎獨當一面之語○大憲西來萬衆看如貔如虎向桓桓
向大臣於二月十五日至金陵札營於淳化鎮 但聽下令人心固
不待交鋒賊膽寒 向帥紀律精嚴謀定後戰賊畏之如虎云 揮泣
向防崑玉毀 向帥曉諭金陵士民有恐城下之日玉石俱焚之語
運籌須措泰山安 九重賞賚頻頻錫 向帥連獲勝仗奏聞 賜黃
馬褂玉搬指等物 感動三軍忭舞歡○聞道將軍屢立功長城萬里
禦江東躬先士卒并州牧身係安危郭令公寶劍上方騰赤日 上賜
遏必隆刀 牙旂驛路捲陰風掃平醜頌英雄事早晚星馳慰 聖衷
○年來干羽舞 朝廷歸化頻聞九譯輯回紇有心助唐室包胥無事

泣秦庭殊才尙賦同袍澤小醜何難正典刑嗟爾食毛還踐土不如海外仰威靈

采蓮曲五百之三

芝禎氏

采蓮赴橫塘南風十里香與郎齊盪槳驚起雙鴛鴦采葉欲作鏡荷葉暗無光采蓮比郎面蓮花似六郎折得並頭蓮看來色更鮮與郎歸去也莫使儂獨眠

七夕十二首之五

雙痕詞客綠汀

慾海羊腸路萬千騎牛踏破有情天笛聲吹得罡風散飛渡銀河唱會仙削藕穿針笑覓蛛廿年前亦畫胡蘆而今壯志消磨盡不乞聰明只乞愚百萬誰償帝女身年年相望隔寒津自家離合渾難主郎得閒情管別人閨闈天門一夕開星妃笑揖浪喧厖自從石贈支機後不許銀河去再來莫墮情天誤觸藩删除煩惱使超凡不知三萬六千載今夕相逢第幾番

題竹林談經圖

嘉興諸榮槐二梅

人生重骨肉昆弟本一氣競爽有數存撫孤良不易翩翩城南杜使使

富腹笥家術武相接小阮亦令器解頤匡說詩奪席戴議禮詞弄玉屑清理析繭絲細四十四萬言臣朔已盡記陋彼揮塵人莊老詞徒費空際裊茶煙春雨門常閉庭前牡丹花解語欲相替而我偶然夾古香飽書氣恍如卅年前青燈對子季我有猶子勛姪名復勳六齡被賊繫脫之兵刃中教誨復飲食只今年甫冠粗能解文藝試邀君姪俱各樹一義我老學殖荒資君兩發啓恐此亦小言感舊一揮涕

前題

西安詹 熙省魯

飯顆詩孫高尚士潛脩遯跡山城裏朝絃夕誦興不孤几席追隨有從子從子英才堪繼作童年已似雞羣鶴講習常敦古處歡盤桓饒有天倫樂此樂不可尋悠悠獨會心知我素相契殷然託知音我爲君家繪丹青專以寫意不寫形脩竹幾枝足吟咏好風吹送聲冷泠微詮妙旨眼前悟悟到鳶飛魚躍處窮經自古堪致用落落冬烘難比數伊昔典午有七賢共稱大阮居其前稱名每以竹林繫君今毋乃師其傳我道君家無成見林泉偶爾心係戀讀吾書兮養吾素豈肯他人窠白羨况君卓犖多雅致吟風嘯月等閒事解頤本自擅辯才促膝相將晰疑義

君不見王右丞幽篁兀坐惟鼓琴何如君獨耽鉛槧家學淵源世共欽

自題山居圖

飯顆山樵

階前芳草未全刪野舍郎當晝不關四壁軒窗齊拓起好教面面看青山
年來吾亦愛吾廬秋樹扶疏好讀書除却吟詩無一事愧同潘岳賦閒居

長至節悼亡妹敬貞

浣花生

回憶承歡仗妹賢讀書窗下喜隨肩淒涼往事渾如夢腸斷西風蟋蟀天
瞻拜松楸酒滿樽故園千里盼歸魂一坏黃土悲羈旅衰草淒淒繞墓門

讀錢唐朱佩秋女史浣香樓遺稿即題其端

飯顆山樵

珊瑚仙骨謫風塵淒絕紅羊劫後身造物憐才原有意曇花一現證前因
性靈詩句寫偏工滿紙秋聲感慨中如此妙才堪不朽玉樓香去太匆匆

麗情

京口多情生

臨歧握手惜匆匆曲譜飄歌調未工記取阿兒家住處粉牆花壓一枝紅

紅環佩珊瑚檻外過依稀仙子鼓雲和漫誇新樣輕妝好輸與隣家阿妹多
淡淡雙蛾楚楚腰薄施脂粉不勝嬌鴛鴦帶綰同心結輕按紅牙唱六么
寒簾問疾想相思無限深情無限癡欲去逡巡猶未忍佩聲衫影故遲遲
小池南畔曲街頭認取名花第一流恰好梁園二月三月梨雲否雨護妝樓
月鑿星眸乍見時麗娟年紀麗華姿鸞鏡偷寫鴛鴦字莫遣司香侍女知
意向華堂惜別時含顰凝翠淚如絲蕭郎譜得陽關曲怕觸離愁未許知
鞠花離落見嬋娟裙布鐵荆刺可憐聞說侯門深似海相逢應續再生絲
一曲清歌繞畫屏嬌痴情在惜惺惺銀箏彈入相思調底事愁郎不忍聽
紅粉青衫總是愁春風澹蕩送行舟梨花院落蕭蕭雨灑向窗前作淚流
玉作闌干錦作屏銀環金佩響東丁綺羅叢裏初成夢不到魂銷不肯醒
簫鼓樓臺靜夜分歌聲歷歷隔窗問蕭郎自是多情甚姓字留書白練裙
侍兒扶起酒初醒曲榭迴廊次第經新月巧添眉樣譜嫦娥原不如娉婷洗
盡鉛華見雪姿扶花傍柳步遲遲憐他嬌小關情甚正是盈盈二八時
為戀恩深月下盟西樓腸斷聽啼鴛尋常一曲清溪水載得佳人便

有情博得新歡款款過紅閨消息屢蹉跎
直言蓮子心偏苦爭似儂
心苦更多紅燈搖影照金樽
隔塵頻呼小玉魂爲聽瓊簫惆悵甚輕
羅小袖搵曉痕三月桃花紅浪堆
惜春心事已成灰輕舟一葉情波
漂載得虛家少婦來玉露初團
繡戶涼佳人小試薄羅裝水晶簾卷
微風過飄出氤氳一段香從來多恨
更多情雪韻花嬌太瘦生嫁得
王郎好夫婿溫柔鄉裏喚卿卿
密訂歸期啗裏迎曲房低檻兩心縈
蘇娘心事君知否斜背銀缸喚小名
香雲覆額破瓜初十五盈盈女
校書曲折紅樓迷客路小門深巷
認儂店月色溶溶照臉明今宵安
可再無卿狂魂銷斷想誰問甘受
風流薄倖名俠君筵上見眞眞會
笑相逢了宿因恨海狂波三萬丈
名花從此墮迷津烏雲亂挽嬾梳
頭睡起厭厭底事羞昨夜天涯征
信到見時歡喜背時愁繞檻垂楊
花亂飛一齊飛上樓雲衣近來消
息全無準嬾擲金錢問是非南園
三月牡丹開有女懷春采幾回小
立花間揮不語猩紅折得待郎來
絕世照明絕世姿淺妝淡服自矜
持問年兔魄盈三五尙是深閨待
聘時小樓西北綺窗開艷影娟娟
翬地來倚偏未闌無一語好風和
月

過琴臺玉漏迢迢鎖禁城
天涯何處話三生憶從前坐妝臺
畔半幅紅箋記小名揚子江頭小
岸東月明波上見紅紅船窓斜倚
低徊處似向姮娥怨隱衷青粉牆
頭記未差小門斜近美人家珠簾
揜映凌波態玉臂猶封絳縷紗青
尊碧盃酒家胡一飲瓊漿渴解無
豪客多情頻注目纖纖素手正當
爐小小珠喉百轉鶯自翻新曲按
新聲筒中誰是知音者杜牧狂言
一座驚冰弦玉管韻參差嫋嫋餘
音入耳遲十二小鬟偏解事笑持
紈扇乞新詩花下筵篔月下箏聲
聲都是斷腸聲情懷恐被同儕覺
每到相逢一暗驚魂暗書齋樓睡
魔訛言入夢却非訛傷心玉質埋
香土空對情天喚奈何悠悠往事
忍重論衣上嘔痕閒酒痕艷質沈
淪羅刹海教人何處覓崑崙瑤簪
斜插紫玫瑰爲向華堂細步來聽
唱渭城朝雨曲兩行香淚溼紅頰
白穀新裁穩移身低鬟慵髻最宜
人關心鸚鵡檐前語不似雲箋惹
得眞冰肌怯暑著輕紗茉莉花香
倚鬢鴉纔是晚妝新浴罷湘簾半
捲篆烟斜萬里橋邊兒阿嬌紅衫
風颺影輕搖憐他綽約多新態連
步輕移上小舸一枝柔櫓水花香
霧鬢風鬟淺淡妝低語勸郎停畫
漿莫驚沙

渚野鴛鴦 三十六湖湖水清 雲山過遍別懷縈 江干買得雙雙鯉 爲
有郎書不敢烹 妝罷階前取次過 雙垂蟬翼鬪雙蛾 笑攀花蕊恩恩
去 貪取枝頭曉露多 滿街清影月華涼 紈綺風來黯淡香 爲怕夜深
苔露滑 欹斜扶過小紅牆 水紅衫子覆銀紗 知是誰家小女娃 星眼
朦朧梳掠髮 阿娘催上七香車 花如錦繡草如氈 二月清明薄暖天
簇簇紅裙隄畔過 衣香人影滿湖烟 十里紅蕖映日鮮 么鬟蕩漿泛
輕船 逢郎怪底低頭笑 采得新開並蒂蓮 冉冉幽香揜袖羅 親調玉
柱唱新歌 良宵人靜矇矓月 爲訪情蹤一再過 坐繡巖閣十四齡 遠
山如畫兩眉青 願將惜玉憐香意 說與如花子細聽 薄粉輕勻半面
妝 長安市上踏歌娘 檀槽幽咽如相語 斷續商音惱客腸 急管繁弦
撥未停 金釵圍繞玉冬丁 勸君莫唱邯鄲曲 此曲難教旅客聽 漫撥
商絃緩緩歌 爲誰含恨歛愁蛾 蕙心蘭質傾城色 自古佳人燕趙多
瑤瑁筵開泛玉觴 青琴彈徹韻悠揚 兩行粉黛皆爭麗 輪却張家薄媚
娘 舞衫歌扇似朝雲 淺醉桃花臉半醺 裂帛一聲收撥畫 翻教酒污
石榴裙 朱絃錦瑟易銷愁 笑拔瑤釵富酒籌 最是夜闌人悄悄 暖香

熏透合歡稠 瓊姿不耐風前舞 艷色偏饒月下看 茶熟酒闌談往事
偷將情淚背人彈 南舟北轍任驅馳 總爲浮名自覺痴 記取日斜亭
午後小門開處見嬌姿 瓊樓隱約夕陽斜 金勒青驄引小車 芳草白
楊何處是 刺桐花裏認他家 碧桐陰靜晚風柔 棟得金鍼上畫樓 行
到階前偏小立 盈盈秋水剪雙眸 長笛送來何處聲 玉人樓上尙微
醒 關心春夢真無那 羅帳重重睡不成 冷泠皓齒梵音和 一卷楞嚴
伴佛哦 禪室靜觀添弱線 紅袈裟繡綠鸚哥 手似柔荑面似酥 紅綃
輕試護凝膚 生成蕙質語鍼繡 繡得簪花美女圖 青絲帳裏憐嬌小
鬢臂親纏一尺羅 帕見燈花隱鬢亂 非貪簾外好風多 內署牆西小
苑東 玉顏輕佩步玲瓏 風流少尉多情甚 裙底鞦韆拜下風 燒罷心
香金獸冷銀河 耿耿度秋宵 綠窗悄對菱花影 偏聽鄰家品玉簫 西
鄰小妹字雲仙 自說生來十八年 香墨濃磨停坐久 新詩書徧浣花箋
春病厭厭倚繡牀 嬾拈針線顯添香 遼陽路遠書頻寄 漫把魚鱗報
數行 猩色蠻鞦韆 弓樣秋遶廊 一响故遲回 雙疊含媚秋波溜 偷問
前颯客來 蛺蝶飛飛蜂作團 小園春事已將闌 有人倦繡珠簾裏 斜

拓香願看牡丹 乍減輕綿不耐寒芳蘭竟體怯衣單是誰譜得懊儂
曲幽韻凄其欲和難 六幅雲屏面面遮重幃烟嫋碧窓紗李家小妹
曾相識笑贈同心梳子花 含顰忍淚太關情一念難酬覺命輕歡話
爲尋前日約玉釵低扣枕函聲 雲散星流東復西一鏡明滅照幽閨
夜深忽憶兒時事夢裏殘妝掩面啼 珠墮泥中玉墮烟茫茫恨海渺
無邊自言本是良家婦梗斷萍飄已四年 重老江湖車馬稀煙花生
計是耶非歌屏香杳悲前事賸有淒涼到枕幃 繁華春事總成空老
去櫻唇尚覺紅憶得潯陽江上月琵琶一曲惹秋風 多謝檀郎贈紫
綃舞衣初試小蠻腰身輕似欲隨風去搖落花間金鳳翅 片帆東去
路迢迢忽見雙娥過畫橋試問吳江隄畔柳情絲萬縷幾時銷 樓上
孤燈伴晚妝無端春恨正茫茫青衫顛顛紅顏老一樣情懷各自傷
名花傾國繫相思萬種幽情託麗詞寄語香魂知也未阿儂腸斷爲情
痴 蟬鬢蛾眉憶比鄰溫柔鄉裏證前因若教點檢姻緣錄都是三生
石上人

陳將軍淮陰得勝詩 集句

朱方丹邱生

咸豐庚申檢賊掩至袁江焚燒民居殆盡賴陳公國瑞力戰汀
北一帶城池始克以後屢擾屢却之其功偉哉曲阜孔明府徵
淮陰得勝詩因集其歌以頌

黑雲壓城欲摧 李賀 漢家飛將下天來 劉禹錫 萬夫失容
千馬戰 岑參 安危須仗出羣材 杜甫 天茫茫 李賀 地密
密 孟遲 千室綺羅浮畫楫 曹松 月漉漉 李賀 馬蕭蕭
杜甫 吳淞直上千雲霄 杜甫 千村萬落生荆杞 杜甫 卽今
江北還如此 常建 百騎俱出如雲浮 古詩 驟盾蕭梢朔風起
杜甫 直北關山金鼓震 杜甫 顛覆直在俄頃耳 王灣 將
軍勇銳與之敵 杜甫 塞上胭脂凝夜紫 李賀 半夜軍行戈相
撥 岑參 眉睫之間判生死 杜荀鶴 軀幹雖小腹中寬 古詩
一雙瞳人剪秋水 李賀 陳侯立身何坦蕩 李頎 一身轉戰
三千里 王維 公馬莫走須殺賊 岑參 戍樓西望烟塵黑 韓
愈 向前且道不須哀 陳上美 我能救爾眼前水火之奇災 邵
調 更生復拜仁人賜 曹松 驚魂未定還疑猜 于濬 三十登

壇誰不羨。劉長卿。英姿颯爽來酣戰。杜甫。七尺大刀奪如湍。
古詩。丈八長矛左右盤。古詩。青草浪高三月渡。張泌。水
邊畫角孤城暮。朱自牧。夜發猛士三千人。杜甫。小兒跳踉健
兒舞。劉禹錫。西山寇盜莫相侵。杜甫。洪河凌兢不可以徑度。
李白。賊復由清淮。薄寶應城將軍與賊相持。賊竟不得渡。漕河
槍鞞解甲急如風。盧綸。與人心成大功。杜甫。賊徒奔騰望
旗拜。劉禹錫。捷書夜報清畫同。杜甫。三十六湖春水波。謝
應芳。平山明月靜干戈。杜荀鶴。公退齋戒坐小閣。韓愈。淮
南木落楚山多。劉長卿。自學古賢修靜節。方干。花影一簾吟
夜月。殷堯藩。將軍畫善蓋有神。杜甫。天遣裁詩花作骨。李
賀。筆陣橫掃千人軍。杜甫。亦如角鷹下翔雲。杜甫。筋骨惟
于草書妙。貫休。買絲繡作平原君。李賀。將軍嗜詩畫草書。尤
工有儒將標格。韓偓。廟前楓葉秋。許渾。新藝禾麻應滿囑。楊
載。馬嘶芳草渡。趙嘏。月映清淮流。何遜。宰相經綸菩薩惠
黃滔。薦賢端合拔其尤。陳造。芳林廣囿飛朱鞶。蘇軾。來

朝欲獻昇平頌。高啓。君不見黃河之水天上來。李白。淨洗甲
兵常不用。杜甫。家在江南黃葉村。蘇軾。虜塞兵氣連雲屯。
岑參。安得如公十幾輩。崔涯。雲根劈裂雷斧痕。李咸用。汴
泗交流郡城角。韓愈。花繞樓台山繞郭。徐鉉。滿江山色入淮
南。薩都刺。人饒笑語豐年樂。陸游。頃聞
天子側席而求賢。來鵬。功名待寄凌烟閣。杜牧。
朱九妹楚北才女被擄金陵賊酋將汚之媚以毒酒謀洩遇害

貝无咎

鬚眉幾輩媿青史。匍匐泥中欠一死。雌虹墮地霹靂鳴。乃有湖湘小女
子。鳩賊進持酒。一觴橫拌弱質。婉清揚。歐刀不惜遭寸礫。肉糜骨粉皆
奇香。吁嗟落溷花。化作碎階玉。荆州曼仙同一哭。澧蘭沅芷賦招魂。合
譜神絃薦芳醪。

景先生石采臣餘姚人官遂昌教諭咸豐八年三月二十日寇將
至同官有邀與偕去者先生曰汝無悞我問其室人皆曰誓相
從不忍捨也翌日寇至將毀聖廟先生挺身怒叱顛傷未殊

猶罵聲不絕賊忿將頭砍落妻趙氏女守姑有子甫十四朝均
隨殉焉

前人

瓜蔓抄殘辨血誠荷孫重見一家傾心堅早矢尸臣志形斷還聞罵賊
聲萬古升堂纓共結一時徇路鐸孤鳴明璫翠羽兼文襖併入神絃鼓
曲迎

武昌題壁

女史失名

傳家清白舊書香十八年來苦備嘗留得清芬千古在拚將一死慰高
堂 髮齡弱弟竟何之倏忽相逢又別離更戀重幃垂暮日照來鏡裏
鬢如絲 果然視死竟如歸淚洒燈前血染衣堪羨同懷親伯姊香魂
先化彩雲飛 劫數難逃欲問天素巾三尺赴重泉百年歲月終須盡
贏得名全節亦全

通安橋題壁 并序

癸丑四月十六日有十餘齡女子投滄關通安橋河死題橋畔粉
壁云女上元大族避兵鄉間從鄰人至此囊無半文乞食數次見
人皆不懷好意恐雖脫賊難仍然受辱於人故略作一詩投河自

盡庶清白女兒得保清白以見父母姓名不願書明倘有親族過
此見此別號亦自認知也四月十六上元半市借月軒女書
我本名門女如何到此間恐將名節壞一死不生還

步潘畫堂碑原韻

梅花盦主

綠槐高處韻悠揚古碑荒城客路長報道秋風容易過為誰辛苦訴殘

自浙歸吳門舟中作

前人

一棹歸何處江南菊滿籬雨添秋水闊風細暮帆遲黃葉家鄉路青山
故里詩那堪久飄泊永夜動歸思

滬江夜泊

前人

潮落泊孤舟胡笳動客愁那堪當旅夜明月海天秋

女史茅淑雲

多病閒來閉閣幽昏昏如醉幾經秋離邊風亂花翻臉案上塵封筆禿
頭笛奏鸞飛多少恨簫吹鳳去古今憂窓前獨坐渾無事明月盈盈亦
助愁

堤決有感

孫孝則

春鍾村村急奔濤不肯休沙鳴黃葉雨波...送夕陽秋禾黍魚龍困金錢
竹箭流堪嗟壁馬盡何處說綢繆

聞鄉里得賑

前人

最軫江淮墊析傳事發棠汙萊吹斷火溝...有理枯桑漸易監門畫應空
內史倉禹陵高處望播奏答時康

讀坦夫姪湖心走馬之作

前人

屋上行船纔過眼湖心走馬又聞歌人民...作遼東鶴城郭懸如陽羨
鵝盡道滄桑經歲改那堪水火蹈人多杞憂
只恐天還墜天聽逾高可奈何

題田家壁

樊桐

柳陰橫一棹來憩野人家簇簇蛾眉豆纖纖...鵬跡花不煩通姓字閒與
話桑麻自是耕漁樂勞生事可嗟

宿大兄村莊

樊桐

伯兄今白首僻住水西村烏桕紅藏屋寒...綠到門冬春三歲別昆季

兩人存話冷深宵酒風爐一再温

詠七姊妹花

問梅氏

也如絳雪也如霞姊妹花中更有花待嫁年華...一夢何當並上七香車

小春朔日陰雨迷濛傍晚感賦

醉鄉侯

意亂拋書卷情疎早閉門寒窓一燈影寂寞...又黃昏

題友人七夕圖

墨禪

織女居然聘得成勞他歲歲鵲橋平宿道...未了甘離別只重金錢不重情

秋夜閨詞

女史沈悅全

時序推遷迥不同蘋花初落蓼花紅呼郎...早把疎簾捲閒倚雕欄待晚風

金陵舟次

補不足齋主

一望蒼茫思往事陳時禁苑漢時關六朝...興廢高低樹百代英雄遠近
山龍拂晚雲江角暗蟬鳴殘葉石頭間黃金化盡東流水霸業銷亡去

不還

雨花臺

登得雨花山不見雨花臺爭傳新雨後石上有花開

前人

月夜桃葉渡懷古

桃葉何處尋白雲明月路秋風吹楊柳猶似夫人渡

前人

昭明臺

生身帝子還才子獨擅千秋著作名臺畔至今留古跡鳥鳴也學讀書聲

前人

拜劉忠肅王廟

千古劉王廟名隨六代留城危先殺子身死又驚周旭日丹心耿清淮碧血流我來一瞻拜悵望四山秋

前人

美人風箏

年年愁緒在雲端消瘦紅顏形影單惟有清風相伴我世人何必舉頭看
風吹縵影縹緲一縷遊絲繫翠裙莫道紅顏真命薄美人也得步青雲

閨秀錢香尉

感懷詩上下平三十首錄二十四

女史潘素春

曾聞海上訪仙蹤何事荊州未識儂涇水有書傳柳毅江皋無珮寄雲容碧梧老去難棲鳳翠竹枯來豈化龍草木盡沾新雨露最憐寂寞是芙蓉一窺簾紫燕影雙雙寂寂春居思不降瑤島魂歸原是許鹿門人去已非隴閑薰金鴨消長畫懶畫纖蛾對頃窓如此韶華真可惜又看飛絮滿晴江半生狼籍似花枝懺悔人間一味癡梅影含香招月姊梨花引夢妬風姨千金未買相如賦七步難酬子建詩獨慨尋春無伴侶強携斗酒聽黃鸝一灣流水遶柴扉無限新愁立翠微長信宮中人易老昭陽殿裏燕空飛聞聞鳳吹盈前瀨靜聽鶯啼數落暉楚館秦樓多莫問自漸腰瘦不堪圍落花驚醒夢回初鬢軀雲痕懶去梳百和香消人未遠六班茶冷客常疎郵亭豈易逢剛毅紈扇徒然嘆婕妤不信欲來芳徑軟試將底印立庭除一望平臯萬綠齊陌頭愁見玉驄嘶藍橋縱有瓊漿乞洛浦曾無寶瑟携執拂佳人歸別院浣紗仙子住前溪情緣不獨凡間少常笑天台路亦迷記得兒時事事諧而今老大轉傷懷乍驚曉夢回鴛枕又報新晴賭鳳釵對影每吟離別句背

人常檢合歡鞋那知蟻穴尋芳好招得淳于老自偕 闌干十二強徘徊懶托纖纖襪粉腮短札待尋黃耳寄素絲先惹雪衣猜可憐命薄終如紙豈但心思未肯灰一曲琵琶數行淚何須更上楚陽臺 問從幽谷悟前因馥馥蘭香是後身錦字才高偏憶寶玉簫聲斷每懷秦海棠着雨先承寵芍藥迎風已殿春自幼內家妝束慣憐他小婢學夫人半生事業托朝雲篆冷金貌懶去薰倚鏡愁縈螺子黛開箱淚染石榴裙妝成墜馬羞孫壽艸就籠鵝想右軍不是曾真詩句好情癡寧復有雙文 蓮香楚楚嬾憑軒閒看雙雙戲水寫一局棋聲消永晝數枝花影掩重門雲和細展湘蕪瑟霧縠輕迴洛浦轅偶同開元問遺事珍珠百琲強承恩 茉莉偷緘寄所歎好留幽夢報平安瘦來漸覺腰同沈愁絕應知鬢已添花蕊可憐終去蜀柳枝偏惜未歸韓憲 漫洒梧桐雨疑是離人淚暗坤 雨絲風片小春天空結巫山好夢緣痴絕花前霍小玉情淡月下步非烟漫歌吟隔四方美擬贈明珠洛浦仙最是意中人不見三更枝上聽啼鵲 芳原聽說薄雲霄一望遙山黛欲描流盡御溝佳句少滴殘宮漏午烟消花飛紫陌飄紅雨夢醒瑤臺響綠蕉

堪笑裴郎空有約未邀玉杵証藍橋 金錢暗裏卜心交否極還須筮泰爻每對名花倍惆悵但吟芳草費推敲幾番好夢難拚醒一種痴情未忍拋此去蓬來原不遠臨風猶有鶴歸巢 芊芊芳草暗東皇小立風前散鬱陶瘦極怕談五瘟使愁深懶奏八瑯瑤花緘鈿盒香偏細詩咏梧亭價必高不信情痴輪到妾徵歌猶是怨紅桃 人遠天涯奈若何閒從紫陌聽鳴珂腰圍弱柳頻移帶眉鎖春山未點螺天上有槎容博望人間無藥問嫦娥深宮不是慵題葉愁絕難成子夜歌 情深一縷浣溪紗誰料村西住妾家盟約豈能忘少伯歡娛寧忍誤夫差館娃官冷迷芳草響屐廊空集晚鴉寄語隣姬鬢莫效反將傾國怨名花碧梧深處喜清涼細燼金猊百和香粉瘦可憐迷蛺蝶針遲何忍刺鴛鴦琴偏嗜我懷中散詩不驚人愧柏梁却笑風情無奈老只今猶自說徐娘 六六巫山幾點青東隣誰爲賦娉婷好圖一夕雲和雨那問千秋夢與醒想到情癡惟有淚話多酸處已難聽花陰踏遍良宵杳數盡淒涼只四星 織腰窄窄不勝綾喜聽湘靈幾鼓能寂寞每邀花作友牢騷惟藉酒爲朋豈無幽怨焚祆廟別有相思老茂陵看遍陌頭楊柳

色畫樓春滿肯先登 煙鎖荒江帶霧浮 夢歸惟有舊西樓 但看新月
如弓樣却惜芳年逐水流 詩酒不消鄉土恨 黛眉頻蹙意中愁 空傳卓
女臨邛去 曾與相如賦白頭 花貌從來空棘心 貯嬌那得屋皆金 絨
愁不是無枯管 寫怨何妨有素琴 燕子樓中詩莫問 牡丹亭畔夢難尋
淒涼滋味誰如我 幾度臨風覓好音 春衫籠袖玉纖纖 曉夢拋來半
捲簾 繡佛但祈超 艷劫游仙原不讓 香奩驚聞宮漏催 晨箭怕聽瑤塔
報午 鏡蝴蝶未知人意 懶強拖脂粉上眉尖

上海潘素春女史 國初人 美姿容 工吟咏 薄有失行 父欲置之死
乃棄諸郊濱 爲川沙漁人所得 卽據爲妻 而家徒壁立 女史以訓蒙
自給 此詩情劫未忘 淒艷欲絕 正如子野聞歌輒喚奈何者也 亟錄
之 慈溪李芷汀跋

題張烈婦傳

華亭張聲匏石孫

不惜微生願隕軀 鬚眉巾幗竟懸殊 居恒有志撫遺姪 之死靡他得小
姑 貞烈一門名 永著泖峰千載壽 同符當時守土聞 風道得擬精忠卞
令無

前題

華亭張國賢愛棠

憶昔妖霧漫天到 鼙鼓聲喧肝膽裂 咄嗟忠如卞公一死 酬君頸濺血
賊氛遂逼天馬山 嫂與姑兮志同決 拚將白骨葬清流 義不偷生心如
鐵 噫吁戲天馬山上石 性堅天馬山下水 性冽烈婦富之無愧 石爛水
枯名不滅 君不見張氏一門雙殉節

餞行

鈍根人

不折楊枝折柳枝 惱人情緒送人時 惟將一點相思淚 洒作珠珍贈別
離

春柳

前人

嫩黃吐後漸成絲 長日三眠夢醒遲 說到春藏蘇小處 教人一武一相
思

題豫章旅壁二十四首并序

女士莊瑞

妾旅城人也 家近玉湖 未受鏡臺之聘 粧成金屋 曾誇珠府之
藏 刺綵線而成衣 鴛鴦五色 吮香毫而詠絮 錦繡千堆 生憎賈
氏之窺 窺簾不學秋娘之傅粉 韶華二八 羣稱傾國 有花容路三

千頓使離鄉成草飄柳絲於雲水滯萍梗於章江寂寞椿萱十
載愴懷霜露敷繁棠棣一朝望斷關山竊比文姬年年落魄幾
同倩女處處離魂有路皆窮哭我閨中阮籍無金可賂誤他畫
裏王媼於是緒以愁多情緣境感上滕王之閣徒怨朝雲登庾
亮之樓常悲秋月千重廬巘盡疊閒愁九派長江難流夙恨綺
窗春盡銷殘蛺蝶之魂繡閣燈寒叫破杜鵑之血天乎難問聊
翻舊案於酒人酒也曾澆更結新愁於今名爰吟斷句泣盡還
歌用賦幽懷慨當以慷嗟半花原善恨生成薄命之粧蟲本可
憐都是斷腸之語敢謂素豪寫怨他年籠我碧紗庶幾白雪賡
詞此日悲子 粉爾

由來薄命說紅顏獨自憑欄淚欲潛太息浮雲真似我隨風飛到豫章
山 手染花箋仿薛濤琉璃硯北試揮毫舊時少小深閨伴羣讓才情
詠絮高 憶昔丰姿玉一枝臨粧不肯入新時而今流落風塵裏猶對
菱花淡畫眉 小妹盈盈髮未黦曾教刺綠伴鍼樓去年接得泥金帖
夫婿東方居上頭 愁綠慘度殘春仍是雲英未嫁身肯把明珠量

一斛季倫不負墮樓人 流離不獨怨伶仃回首椿萱涕泗零苦憶白
蘋洲上塚年年故鬼哭冬青 鄉思曾登庾亮樓大江九派別洪流不
知何路江南去直到吳興雲水頭 滕王閣外艷陽天夜夜惟聞泣杜
鵑記得故園花事好畫船簫鼓載遊仙 蛾眉零落奈愁何暗把鮫綃
拭淚多妾命正如江上柳生來無分到靈和 曾編舊事論前人每爲
文君感慨頻若使相如終薄倖當壚應自悔輕身 高高星月燦如銀
寂寂樓東夜向晨一顆珍珠猶記得明皇原是有情人 新歌豔舞奏
霓裳親賜華清第二湯豈是六宮無粉黛輸他一笑惑君王 深鎖長
門幾度秋全憑文字達離憂妾今縱有千金贈誰賦驕人一段愁 迢
迢沈速夜焚香幽恨難憑訴法王不把黃金酬畫士漢宮畢竟誤王媼
扁舟一葉泛潯陽五老峰頭望渺茫大抵詩人憐寂寞小姑偏許嫁
彭郎 細譜新詞學竹枝桃花流水繫儂思春風歇絕無人問獨聽鶯
啼月落時 閒情猶自賞孤芳手植盆蘭供北堂却賤海棠金屋貯都
綠有色竟無香 自酌香醪傾玉缸寂無人處倚明窗含情輸與塔前
草秋後還飛蛺蝶雙 穿鍼慣愛刺鴛鴦繡疊齊紈七十箱昨日無錢

還買酒年來典盡嫁衣裳 百花洲擬築仙壇翠羽明璫步廣寒聞說
麻姑山路近何時同駕碧城鸞 幽閣沈沈鎖翠鈿朱愁粉瘦有誰憐
無情最是南昌月照我離懷已十年 淒淒夜雨冷空堂幾許芳心暗
自傷慙愧焦桐誰拂拭知音千古蔡中郎 峽中猿嘯總難聽鏡裏孤
鸞舞暫停從古才人有淪落不應紅粉怨飄零 家山迢遞盼殘秋淚
與寒潮日夜愁試上章江城上望滔滔不盡水東流

白蓮和龍湫舊隱韻四首之二

虎侯氏

繁華過眼易相忘別有情痴託素妝水榭雕闌雲冷淡曉風殘月景蒼
茫雪欺翠蓋亭亭影雨洗瓊姿冉冉香莫笑高人渾無賴直教世界換
清涼 一種丰姿孰與同劇憐欲語意難通太真拜月華池上素女分
香夕殿中璧玉琢來三尺冷鉛華卸盡萬緣空何須髓倩銀河洗已勝
紅蕖滿渚東

留別高郵士民

左青峙

匆匆又見及瓜期駐馬長吟有所思雲出無心終是散月圓滿面定將
虧好山好水須留戀秋雨秋風易別離今日孟城一杯酒陽關怕聽尾

詩聲 花雨氤氳掉客船來時尙記早春天南湖綠草空三月黃葉西
風又一年司馬只宜稱吏隱飛鳥何苦學神仙諸君莫惜臨歧別香火
靈山各有緣 身如征雁向南飛不到衡陽不算歸竹馬自然隨處好
尊鱸空說異鄉肥買田陽羨今無分久客杭州古亦希寄語傅公堤畔
柳桓溫要見樹成圍 花滿城頭月滿郊兩年踪跡忍輕拋官無長枝
能除秀壯不如人尙繫匏爲政敢期孚衆口與民從古是同胞城烏漸
有冰霜苦徹土須營百尺巢 障川誰關富民渠古堰平津語亦虛無
術那能蘇澤雁受殃徒見禍池魚難輸禹貢中中賦甘考陽城下下書
三十六湖湖水闊蒼生何日奠安居 何處烽烟鐵甕城豺狼當路死
求生活人只少君臣藥備寇先驅子弟兵唳鶴不驚憑衆志屠鯨無力
愧書生從今莫問蒼生事擊鼓吹豳詠太平 新闢園亭敞柳衙隨身
琴鶴舊生涯月明滿苑官無事草綠閒庭吏不譁勝地幾人堪作主浮
生到處便成家劉郎也有重來日莫砍桃花種菜花 河梁携手淚潛
潛諸老風流列等閒詩力盡道元白上斯人都在綺黃閭莫傷月落文
臺冷但願珠從筈社還占得太湖三萬頃不應無地老香山

寰宇瑣紀

尊聞閣同人詩選

三十二

寓意

廬江氏

天際浮雲水際霞
杯中明月鏡中花
縱留嬌艷同泡影
可信清光是夢華
烏兔幾經閱
人代貂蟬終古有
誰家浮生擾攘成
何益試問東陵五色瓜
百年花下一圍棋
勝負輸他局外知
柳爲多愁搖落早
菊緣太傲得春遲
能教明月銘心鏡
不怕新霜染鬢絲
修到神仙還骨否
飛紅何事曉鶯癡